

Museo Arkeologico tin 5000 aña di historia di Aruba pa comparti cu bo

Un berdadero aventura pa descubri



ORANJESTAD – Cera bo wowonan y pensa con nos hende y esunnan rond di nos tabata biba antes, generacion y generacionnan prome cu nos. Bo no por? Pesey un bishita na Museo Arkeologico Nacional Aruba (MANA) ta trece e historia aki na bo conocimiento. Especialmente cu Museo ta habri den fin di siman atrobe di 10'or di mainta pa 2'or di merdia.

Nos Museo ta rindi homenahe na mas di cinco mil aña di cultura Amerindio. Kico esaki ta significa? E expertonan cu ta traha na Museo Arkeologico cu nan trabou profesional haci, ta duna un splicacion amplio di esaki. Principalmente pasobra e meta di Museo ta pa educa, motiva y inspira nos tur cu ta biba riba e isla aki pa ta orguyoso di nos antepasadonan.

Pa esunnan cu no sa, despues di a busca y wardapa basta tempo, MANA a bin haya

un ubicacion historico cu ta refleha e trabou cu nan ta haci. E ta un di e sitionan historico mas significante di e isla, masha bunita restaura, poni den tur su gloria di antes, y expande pa inclui un serie di facilidadnan profesional manera deposito di coleccion, auditorio, cafetaria y galerianan pa exposicionnan permanente y temporario.

E facilidadnan di e museo ta dispone di un coleccion di nada menos cu 10.000 artefacto Amerindio cu ta cubri e periodonan cultural pre-ceramico, ceramico y historico y ta consisti di un variedad di material manera ceramica, cocolishi, piedra, weso y glas. E coleccionnan ta inclui un cantidad grandi di artefacto cu ta expresa un bida Amerindio y spiritual como tambe e red grandi di comunicacion cu tabata conecta Aruba cu Europa, Mexico y Sur America Central. Un bishita na e exposicion permanente ta hiba

e bishitante na un experiencia historico cu ta mustra cu nos isla tin un cultura rico.

Museo Arkeologico Nacional di Aruba ta situa na Oranjestad, den Schelpstraat, net patras di Kong Hing, den Havenstraat. Museo ta habri di diamars pa diabierna for di 10'or di mainta pa 5'or di atardi y riba diasabra y diadomingo for di 10'or di mainta pa 2'or di merdia. Riba dialuna nan ta cera y tambe durante dianan di fiesta.

No solamente pa muchanan, sino tambe pa adultonan y



pa nos ciudadanonan nobo, Museo Arkeologico Nacional Aruba ta yena cu informacion y historia. E ta un berdadero aventura pa descubri.

Bishita nos website: www.namaruba.org
Den futuro cercano lo amplia e informacion riba e website.